

Апостол 11.05.2024

Б: Мир всем.

Я: И духови твоему.

Б: Премудрость.

Я: Прокимен глас 3:

Господь просвещение мое, и спаситель мой, кого убоюся?

Хор: Господь просвещение мое.....

Я: Господь защититель живота моего, от кого утрашуся?

Хор: Господь просвещение мое.....

Я: Господь просвещение мое

Хор: и спаситель мой, кого убоюся?

Б: Премудрость.

Я: Деяния святых Апостол чтение.

Б: Вонмем

Во дни оны, держащуся исцелёвшему хромо́му Петра́ и Ио́анна, притеко́ша к ним вси лю́дие в притво́р, нарица́емый Соломо́нов, ужасни. Ви́дев же Петр отве́щаваше к лю́дем: му́жие Изра́ильтяне, что чудите́ся о сем, или́ на ны что взира́ете, я́ко своею ли си́лою или́ благоче́стием сотвори́хом егó ходи́ти? Бог Авра́мов и Иса́ков и Иа́ковль, Бог о́тец на́ших, просла́ви О́трока Своего́ Иису́са, Егóже вы преда́сте, и отвергóстеся Егó

пред лицём Пила́товым, сужды́шу Оно́му пусти́ти. Вы же Свята́го и Пра́веднаго отвергóстеся, и испроси́те му́жа убийцу́ да́ти вам, Нача́льника же жи́зни уби́сте, Егóже Бог воскреси́ от ме́ртвых, ему́же мы сви́детели есмы́. И о ве́ре и́мене Егó, сегó, егóже ви́дите и зна́ете, утверди́ и́мя Егó, и ве́ра, я́же Егó ра́ди, даде́ ему́ всю це́лость си́ю пред все́ми ва́ми. (зач. 8)

Б: Мир ти.

Я: И духови твоему.

Б: Премудрость.

Я: Аллилуиа глас 5

Хор: Аллилуиа 3 раза

Я: Господь воцарися, в лепоту облечеса.

Хор: Аллилуиа 3 раза

Я: Ибо утверди вселенную, яже не подвижится.

Хор: Аллилуиа 3 раза